

آبونه شرائطی : هر بر ایچون
 سنه لکی (۴۰۰) آلتی ایلمی
 (۲۲۵) ممالک اجنبیه ایچون
 سنه لکی (۴۵۰) ، آلتی آیلنی
 (۲۵۰) غروشدور.

نسخه سی ۷,۵ غروشدور .
 سنه لکی ۵۲ عددور .

اداره خانه : باب عالی جاده سنده
 رشید افندی خائنده

اخطارات
 آبونه بدلی پشیندر .

مسلكه موافق آثار مع المنونیه
 قبول اولنور . درج ایدله یین
 یازیر اعاده اولنماز .

والله یهدی من یشاء الی صراط مستقیم

باش محرر
 محمد ماکف

صاحب و مدیر
 اشرف ادیب

اتبعون اهدکم سبیل الرشاد

تذکره

آدره سی تبدیلینده ایریجه
 غروش کوندرملیدر .

مکتوبلرک امضاری واضح
 و او قوناقلی اولسی و آبونه
 صره نومروسی محتوی
 بولونسی لازمدر

ممالک اجنبیه ایچون آبونه
 اولانلرک آدرس لرینک
 فرانسزجه یازلسی رجا اولنور .

پاره کوندردیکی زمان نه به
 دائر اولدینی بیلدیرلسی
 رجا اولنور

اوج سنه چیقاریلدی. دیگر مقاله لرده ایضاح ایدیلر چی وجهله کورولان لزوم مبرم اوزرینه آلی سنه لك ابتدائیلرک صولک ایکی صنفه معادل احضاری نامیلر ایکی صنف داهاکشاد ایدیلدی. بوضورتله مدت تحصیل - متخصصینده داخل اولمق اوزره - ینه اون درت سنه اوله رق تثبیت ایدیلدی. بوتحصیلک اوجی عالی، دیگر آلی سنه سی ده تالی ایدی. السنه اجنیه دن یالکیز فرانسیزجه وانکلیزجه ایضا ایدلمش، روسجه و آلمانجه قالدیرلمش ایدی. فن درسلی ینه موجود ایدی. بوقانون و بوقانونه استناد ایدن ۱۹ تشرین اول ۱۳۳۳ سنه سی تاریخی مدارس نظامنامه سی آرتق علمیه یه یکی بر روح ویریوردی، درس عاملق و مدرسلک صاعلام براساسه ربطارلیور، اختصاص یوللری طوتوله رق آمین ووقور خطوه لرله یورونیوردی. چونکه هر کسک آرزوسی حصول بولمشدی. عینی زمانده تشکیلات طشره مدارسنه ده تشمیل ایدلمشدی.

آمریقان قوللری تسمیر

آرنا، ود کوبنده آمریقان قیز مکتبک بو هفته اجرا ایدیلن ۳۴ نجی سنه دوریه سی مراسمی بک پارلاق اولدینی غزته لر طرفدن یازلمش، مکتبک اسکویکی مدیره لری میس (پازیق)، میس (فاترین آدمس) ک رسملریله قسم عالی بی اکیال ایدن مبروکه احسن خانمک رسمی ده درج اولنمشد. مظانن مراسمک صورت اجرایی (وقت) غزته سندن عیناً نقل ایدیورز. بوندن آینه حق عبرتلی قارئین کرامک درایتلرینه براقیرز:

«مراسمه میس باتریق ریاست ایدیور، مراسمه داخل اولان ذوات ایله خطیلر محنده باشلرله اوطورویورلردی. ساعت اوج بوچوقده دیلومه لر توزیع ایدیلدی. تالی درجه ده ۲۵ مأذوندن (۳) ی تورکدی: عقیقه خانم. غازی عیلتاب مبعوثی علی جنانی بک کریمه سی و مکتبک الک کنج کزیده بر مأذونه سی، براث خانم، کال زاده اکرم بک کریمه سی، نعمت خانم، نوری بک کریمه سی. بش سنه اول تالی دن مأذون اولش مبروکه احسن خانمده درجه طالیه ده صنایع ادبیه مأذونی اولارقی تمایز ایدیوردی، بونک ایچین شهادتنامه سندن باشقه کندیسنه برده حائل ۱] تعلیق اولوندی ولیاقتی بک اثبات ایدیکی آلقیشلرله قارشیلاندی.

مراسمده اولامیرال بریستول، صوکر آمریقا قونسولوسی مستر اوندال، متعاقباً مادام میلدیلتون آدودرس، مستر ویلیام پیت انکلیزجه نطقلر ایراد ایدیلر. قوله ژ طالیرینک جداً جاذب وروح اوقشاییجی برآهنک ایله سالونی تهنیز ایدن شرقلرندن صوکر دارالفنون امینی اسماعیل حق بکده مراسمه داخل ذوات آراسنده صحنده ایدی. نطقنده تالی مکتبک لزوم واهیتندن بحث ایتدی. آمریقایی ویلیام جیمیسله، دوویسیله بکایی طانیذیفزی، دووی بی دعوت ایدی شیمزکده بوتقدیردن منبعت اولدینی سویله دی. بزمکتبک تأسیسنده

[۱] عجباً آمریقا مکتبکک ویردیکی بومثک شکله کی حائلده نه یازیلیدر؟

العلیه مدرسه سی، دنیلش و مدت تحصیل اون ایکی سنه اوله رق قبول وبومدت تالی قسم اول، تالی قسم نانی، عالی اولمق اوزره اوج قسمه آیریلش وهر قسمک مدت تدریسیه سی درت سنه اوله رق تثبیت وهر قسم بر مدیر عمومی اداره سنه تودیع ایدلمش دی. عینی زمانده بومدرسه لرده اکیال تحصیل ایدن ویا بودرجه ده قدرت علمیه یه مالک اولدینی بالامتحان ثابت اولانلردن علوم شرعی و حکمیه نک شعباننده کسب اختصاص امیه سنده بولونه جقلره منشأ اولمق ودرت شعبه بی محتوی بولونمق اوزره برده «مدرسه المتخصصین» کشاد اولونمشدی. بومدرسه ده مدت تحصیل ایکی سنه ایدی.

تالی قسم اول برنجی صنفه کیره بیلیمک ایچین رسمی و غیر رسمی رشدی ویا آلی سنه لك ابتدائی مکتبکک شهادتنامه سی حائز اولمق ویا خود اودرجه تحصیلده بولوندینی بالامتحان اثبات ایتک نظامنامه نک صراحی اقتضاسندن ایدی. مذکور نظامنامه نک نشری تاریخندن اعتباراً مدرسه یه قبول ایدیلر بک طلبه نک مقداری نظر دقته آله رق استانبولده موجود طلبه نلری ودرجه تحصیللری اعتباریه صنفله تقسیم ایدلمش و مدرسین موجوده نک اهلیت و اختصاصلری نظر دقته آله رق معاش حاضرلریله مدرسه لرده مدیر، معاون، داخلیه مدیری، صنف مدیری، معلم اوله رق توظیف ایدلمش لردی. فن، فلسفه، اجتماعیات، فرانسیزجه، انکلیزجه، روسجه، آلمانجه درسلی ده خارجدن ارباب اختصاصه تفویض اولونیوردی. بناء علیه او تاریخندن اعتباراً مدارسده اسکوی طرزده درسه دوام ایدلمش، درس لر جوامع و مساجد شریفه دن درس خانه لره نقل اولوندینی کبی، طلبه ده صنفله تقریق اولنمشدی. اولج، مدرسه یه کیره جکلر ایچین سن مسئله سی موضوع بحث اولدینی حالده بودفعه آلی سنه لك بزمکتبک تحصیلندن صکره مدرسه یه کیره بیلر چیکی اساسی قبول ایدلمشدی. مدرسه لرده فن و فلسفه تحصیل ایدیوردی. السنه اجنیه اوقوتیلدیوردی. طلبه فرانسیزجه بیلور، روسجه قونوشیوردی. حسابدن، هندسه دن، فن و فلسفه دن آکلایوردی. بوندن صکره آرتق مدرسه لیلره کیمسه نک برسوز سویله میه حتی یوقدی مملکتک سلامتی نامنه چوق آرزو ایدیلن وحدت تدریس، وحدت تربیه فعلاً حصوله کلشدی «عصرک احتیاجاتی مدرک خواجه لر لازم» دییه باغیر، بجاغیر انلر ده بعدما بومؤسسسه لک بوشکلده ادمه موجودیتی تأمین ایتک چاره لرینی تحری ایتمکدن باشقه برشی قالمایوردی. وبوغایت طبیعی کورولیوردی.

شیخ الاسلام مرحوم موسی کاظم افندینک زمان مشیختلرینه تصادف ایدن ۲۳ نیسان ۱۳۳۳ سنه سی تاریخی مدارس قانونی ایله خبری افندی مرحومک تشکیلاتی برآز خیر بالاندی. اساس وروح دکیشمه مکله برابر تالی و طالی صنفلر اوجر سنه یه تنزیل ایدیلدی. مدرسه المتخصصین

خیردن باشقا مقصد اولامایاجنی ایچین بومقصدله وجوده کلن تاسیساتی حسن تلقی ایتدی و مکتبی دارالفنون نامنه تبریک و تقدیر ایتدی .
بوندن سوکرا آمریقان صورت مخصوصده کوندیریلش و اون برکونده استانبوله کلش اولان مستر میداورهه ، سوکرا آمریقا میلیونلرندن اولوب بومکتبه چوق یاردیم ایدن مستر جورج پیلیمتون سوز سوله دی و مکتبک آناختارلینی تمثیلاً بربرینه قوردله لرله باغلی ، بزم اسکی قلعه آناختارلینه بکیزه اوج اسکی بویوک قابی آناختارینی قولله زک یکی مدیره سنه ویردی .
میس قاترین آده مس ده اوزون برنطق سوله دی . تورکیان مستقیده ده معاونت بکله یوردی . بویوک سالون دعوتلیرله دولو ایدی ، آزالنده شکری نائی پاشا ، آقچورا اوغلی یوسف و یعقوب قدری بکله احمد امین بک ، غزته مرکز مدیری ، اسکی مأذونه لر وازجه ملاحت ضیا خانم واردی . دعوتلیرلر اسمدن سوکرا لیوناطه لرله اعزاز ایدیلدی . »

حضرت ابراهیمک تورکلیکی

« آماسیه تاریخی محرری » عنوانیه کندیسی شهرتشار ایتمکه چالیشان و آز چوق موفق ده اولان حسام الدین افندی ، برقاج سنه اول ، تورکلردن ده برچوق پیغمبرلر کلش اولدینی دعواسنی اورتایه آتمش و برقاج دانه سنک اسملرندن بزی خبردار ایتیش ایدی . شمدی ده ، اسماعیل حق امضاسنی طاشیان برذاتک ، « توحید افکار » غزته سنده بودعوای نجید و استیناف ایتیش اولدینغی کوریورز . آره لرنده شو فرق وارکه ، حسام الدین افندینک صایدینی پیغمبر اسملری کیم بیلیر تاریخک هانکی مجهول صحیفه لرندن چکوب چیقاردینی ناشنیده اسملردن عبارت ایدی . اسماعیل حق امضالی ذات ایسه ، دعوای طوغریدن طوغری یه لسان قرآنه نبوتی اخبار بیوریلان حضرت ابراهیم علیه السلامه استناد ایتدیریور . بوکی دعوالر ، واقع بر استبعاد و یا خود مستولی بر مایوسیتی ازاله ایتمک ایچون درمیان اولنور . تورکلردن ده پیغمبر کله بیله جکفی استبعاد ایدن کیمسه یوق ایدی . بو ، هر زمان ممکندر . یالکیز تورکلردن دکل ، هر قومندن ده پیغمبر کله بیلیر . پیغمبرلکک معین بر قوم و عرقه مخصوص اولماسی شرط دکلدر . هر پیغمبرک عرقیت و قومیتنی علماً اثبات ایتمک ده ، محال دکله ، مشکلدیر . چونکه هر پیغمبر زماننده ، معین و مختلف عرقلره آیریله جق درجه ده ، نسل بشر توسع و تکثیر ایتمه مش ایدی .

تورکلردن پیغمبر کلوب کله ذیکی معلوم اولمادیقندن طولای ، درونی بر مایوسیت طویان ده یوق ایدی . آنک ایچون ، مایوس قلبلری مسرور و متسل ایتمکه معطوف بر مقصد ایله بویله بردعوانک اورتایه آتیلما سنده حاجت یوق ایدی . عرقیت و قومیت نامنه بروسیله تفاخر و مباهاات احضار ایتمک مقصدی ده بویله بردعوا احداثه سائق اوله جق درجه ده جاذب دکلدر .

تفاخر و مباهاات ، انسانلره ، مادی ، معنوی هیچ بر فائده تأمین ایتمز .

تفاخرده ، یالکیز حسیاتی او قشامق خاصه سی واردر . بوده ، دائمی دکلدر ، کلوب کچیجیدر . حسی او قشایان تفاخر و مباهاات بر قیمتی حائر ایسه ، اوقیمتی اوکا ویرن فضیلتدر . فضیلت ده ذاتی و کسبی اولمالیدر . بشقه سنک فضیلتی کیمسه یه مدار مفخرت اوله منز . فردلرده ، فردلردن متشکل هیئت اجتماعیه لرده ، انجق کندی فضیلت فردیه و اجتماعیه لر یله افتخاره حق قازانه بیلیرلر . عرقیت و قومیت انسانلره حق افتخار ویردک بر فضیلت دکلدر . فضیلت ، عرقلرک ، قوملرک حائر اولدقلری فضائل عالیه و خصائص نافعه در . تورکر فردی و اجتماعی فضائل عالیه و خصائص نافعه یی جامع بر عرق و بر قوم ایسه لر ، حضرت ابراهیمک تورکلیکیله افتخارلری لزوم سزدر . بالعکس ، فردی و اجتماعی خصائل عالیه و خصائص نافعه یی حامل دکلر سه ، نبی مشارالیه حضرتلرینک تورکلیکیله افتخار ایتمک ، اولره بر فائده تأمین ایتمز . آنک ایچون اسلامیت ، افضلیتی ، اکریمیتی فردی و اجتماعی فضیلتلره حصر ایتمشدر . نظر اسلامده ، عرقیت و قومیتده و فضیلت و اکریمیت یوقدر . عرب عرق و قومی دخی ، کندیسه منسوب بولنان حضرت محمد علیه السلام ایله - عرقیت و قومیت نقطه نظرندن - افتخاره حق یوقدر .

بو دعوای درمیان ایتمکدن مقصد ، تورکرلرک حرمت و محبتلرینی ، حضرت ابراهیمه جلب ایتمک ایسه ، مسلمان تورکر هر پیغمبر کی ، نبی مشارالیه حضرتلرینه دخی - حسب الدیانه - حرمتکار و محبدرلر . پیغمبرلره حرمت و محبت جلب ایتمک خصوصنده ، عرقیت و قومیت دیانت قادار حائر تأثیر دکلدر . اکر عرقیت و قومیت پیغمبرلره جلب حرمت و محبت خصوصنده حائر تأثیر اولسه ایدی ، تورکرلرک ، عرب قومه منسوب بولنان حضرت محمد علیه السلامه حرمت و محبت ایتمه لری لازم کلیردی . حالبوکه تورکرلر حضرت محمد علیه السلامه ، عربلردن ده ازیاده حرمتکار ودها زیاده محبتکار درلر .

حضرت ابراهیم علیه السلامک ، عرقیت و قومیت نقطه نظرندن تورکرلره حق افتخار بخش ایده جکفی قبول ایتسه ک بیله ، نبی مشارالیه حضرتلرینک تورک عرقه منسوبیتنی علماً و تاریخاً اثبات ایتمک مشکلات ایله مالامالدر . بودعوای اثبات و تأیید صد دنده سرد و بیان اولنان دلیلر خیالیدر . هیچ بر زمان هیچ بر کیمسه یه قناعت بخش اوله منز . مثلاً : قرآن الهی ده ، (ابراهیم علیه السلام نه یهودی ، نه نصرانی دکلدر) مال عالینده بر آیت الهیه واردر . اسماعیل حق امضالی ذات کیم ایسه ، بو آیت الهیه یی حضرت ابراهیمک تورک عرقه منسوب اولدینغه دلیل و حجت اتخاذا ایدبیور . و کفیت استدلالی توضیح صد دنده دییورکه : (حضرت ابراهیم نه یهودی ، نه نصرانی دکلدر دیمک ، نبی مشارالیه حضرتلری عرق نقطه نظرندن یهودی و نصرانی دکلدر دیمکدر . بو طرز تفسیرمک طوغریلقنه قانع اولمه دیم ایچون ، تفسیر قرآنده صاحب صلاحیت برذاته صودرم ، اوده بزم طرز تفسیری تأیید و تاسکید ایتدی . »